

Heiq Foux Caijdiu 《Liuz Sanhcej》 Yaek Ok Guek Bae Goeng'ik Cunzyienj

大型彩调歌舞剧《刘三姐》将全球公益巡演

6 nyied 14 hauh, heiq caijdiu 《Liuz Sanhcej》 daengx seiqgyaiq cunzyienj camh daih'it youq Gveilinz Lizgyangh Giyen yienjok. Vunzlai youh caiq ndaej yawjngonz aen heiq ginghdenj neix. 6 nyied 29 hauh hainduj, 《Liuz Sanhcej》 yaek youq Vujhan yienj 4 ciengz. 7 nyied bae Majlaizsihya yienj 3 ciengz, bang Majlaizsihya vazvwnz gyauyuz saehnieb rom ngaenz. Gvaqlaeng, yaek laebdaeb bae Meijgoz, Daigoz, Sinhgyahboh, Vwnzlaiz daengj guekgya caeuq Yanghgangj, Aumwnz daengj dieg guh goeng'ik cunzyienj, gujsuenq bineix yaek yienj 50 ciengz.

(Cau Gyahci)



▲ Yenjyenz youq Gveilinz Lizgyangh Giyen yienj 《Liuz Sanhcej》.



▲ 《Liuz Sanhcej》 youq Gveilinz Lizgyangh Giyen yienjok.

Nanzningz: Minzsuz Vwnzyi Byaujyenj Ceiq Yinx Vunz

南宁：民俗文艺表演吸引民众


Mboengqgonq, Daihgouj Gaiq Nanzningz Gozci Lungzcouh lucingsai youq Nanzningz Si Nanzhuz Gunghyenz gawjbanh. Gaiq Lungzcouh doxdax neix, miz cien lai boux senjsouj camgya, gyoengqde dwg daj Daigoz, Yeznanz, Gyahnazda, Meizgoz, Dwzgoz, Aiwjlanz, Nanzfeih, Cungguek Yanghgangj daengj dieg daeuj, gungh baen baenz 56 aen dui, lungzcouh doxdax gaenjieng ndeiyawj raixcaix. Hoeng, youq lungzcouh doxdax ndawde, fwen Bouxcuengh, cien bi raen gyonq, fouxsaeciej daengj gij minzsuz vwnzyi byaujyenj neix ndeiyawj raixcaix, yinx baenz cien baenz fanh vunz daeuj yawj. Neix dwg Nanzningz Si Cwngefuj daegdaengq banh aen hoih minzsuz youzyenz neix, youq ciet ngux nyied co'ngux caeuq ginzcong caez angq gvaq ciet.

(Vangz Dungh)

► Minzsuz byaujyenj yienh-ciengz.



▼ Lungzcouh doxdax.



Denzdungh: Makgaivaiz Rangfwdfwd

田东：又到芒果飘香时



Haeuj ndwenloeg, youh daengz seiz makgaivaiz baenzcug lo. Youq ndaw hawciengz Denzdungh Yen, gizgiz baij rim makgaivaiz, rangfwdfwd. Gij mak neix miz aen iq lumj fajfwngz lwgnyez, miz aen hung raez miz 10 lai lizmij. Bineix, makgaivaiz Denzdungh aenvih nohmak na, youh diemz youh hom, ndei gwn raixcaix, hix ndaej daengz bouxbuenqmak gak dieg maij, makgaivaiz ngamq baenzgai, couh miz bouxbuenq daeuj gyaeujreih dingh cawx, gai daengz Baekging, Sanghaij, Gvangjcouh daengj dieg bae. (Moz Ginh)

Duh'anh: Gyoengq Beixnuengx Yauzcuz Guh Hozdung Swnjcienz Minzcuz Vwnzva

都安：瑶胞举行活动传承民族文化

Guek raeuz daihbet aen "ngoenz vwnzva yizcanj" dwg 6 nyied 8 hauh. Ngoenzde, Duh'anh Yauzcuz Swciyen hopngomx aen cawjdaez "bouxbox cungj dwg bouxcawj vwnzva yizcanj" neix, youq mbanjmoq Vahgangh Yauzcuz gawjbanh lai aen hozdung, aeu daeuj swnjcienz caeuq haujhoh aen guekgya giz feihvuzciz vwnzva yizcanj—Mizlozdoz neix.

Mizlozdoz dwg seigeq cauxbiengz Yauzcuz, riuzcienz youq gih raeuz baihsae ndawbiengz Yauzcuz gag heuhguh "Bouxnu" haenx, vunz youq mwh gietvaen gvaq ciet cij ciengq. Ndaw bonj sei miz 800 lai hot sei, lwnhgangj meh cauxbiengz—Mizlozdoz cauxbiengz dwgrengz ginggvaq caeuq gij saeh lwgminz doiq fanhfaed gejnaeuz haenx. (Sinhvwnz)



Dava Roengzngaenz Lai Guh Ranzyouwzyenz Lajmbanj

大化投巨资建乡村幼儿园



Dava Yauzcuz Swciyen vihliux engq ndei fazcanj diegbya lajmbanj gyauyuz saehnieb, bineix cwngefuj roengzngaenz 1099 fanh maenz daeuj coih ndei, guhbaenz 45 aen youwzyenz, sawj 3000 lai boux lwgnyez ndaej haeuj youwzyenz doegsaw. (Cangh Ailinz)

◀ 6 nyied 13 hauh, gyoengq lwgnyez Dava Yauzcuz Swciyen Luziej Yangh Cunghsinh Youwzyenz hag veh veh.